

Član 5

Manifestacija će biti realizovana u koprodukciji s lokalnim medijskim kućama.

Član 6

Kulturna manifestacija «LIKOVNA KOLONIJA SAVA 2017» će biti realizovana u saradnji s udruženjima iz oblasti kulture u Brčko distriktu BiH.

Član 7

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj predmeta: 39-00040/17

Broj akta: 01.1-1141SM-0001/17

Datum, 16.6.2017. godine

Mjesto, Brčko

GRADONAČELNIK

Mr. sc. Siniša Milić, s. r.

375

Na osnovu člana 17 Zakona o Vladi Brčko distrikta BiH (Službeni glasnik Brčko distrikta BiH br. 19/07, 36/07, 38/07, 2/08, 23/08, 14/10 i 28/12), na prijedlog šefa Odjeljenja za privredni razvoj, sport i kulturu, gradonačelnik donosi:

ODLUKA

**O ODRŽAVANJU SPORTSKE MANIFESTACIJE
„PRVI MEĐUNARODNI PLIVAČKI MARATON“
I IMENOVANJU ORGANIZACIONOG ODBORA
MANIFESTACIJE**

Član 1

Sportska manifestacija «PRVI MEĐUNARODNI PLIVAČKI MARATON» održat će se u Brčko distriktu BiH u periodu od 14. do 16. jula 2017. godine.

Član 2

Sportska manifestacija «PRVI MEĐUNARODNI PLIVAČKI MARATON» obuhvata maraton u plivanju na relaciji Vučilovac-Brčko u dužini od 9 km, te prateća dešavanja na Ficibajeru kao što su: trka mladih atletskih selekcija; revijalna trka kajak-kanu klubova; odbojkaške utakmice na pijesku; takmičenje ribolovačkih udruženja u pravljenju fiš paprikaša.

Član 3

(1) Za organizaciju sportske manifestacije «PRVI MEĐUNARODNI PLIVAČKI MARATON» zadužuje se Odjeljenje za privredni razvoj, sport i kulturu, Pododjeljenje za turizam, kulturu i sport, Direkcija za finansije Brčko distrikta BiH i Organizacioni odbor u sastavu:

1. Srđan Blažić, predsjednik
2. Pero Gudeljević, član
3. Lejla Hogič, član

(2) Zadatak Organizacionog odbora iz stava 1 ovog člana je da usvoji program manifestacije, u skladu s odobrenim sredstvima za 2017. godinu.

Član 4

Novčana sredstva za ove namjene osigurana su na osnovu Odluke o privremenom finansiranju odjeljenja i institucija Brčko distrikta BiH za period od 1.1.2017. godine do usvajanja budžeta Brčko distrikta BiH za 2017. godinu, broj:01-02-38/16 od 28.12.2016. godine, odnosno iz Budžeta Brčko distrikta BiH za 2017. godinu, po njegovom usvajanju, na organizacionom kodu 17020001 – Odjeljenje za privredni razvoj, sport i kulturu – Pododjeljenje za turizam, kulturu i sport.

Član 5

Sportska manifestacija će biti realizovana u koprodukciji s lokalnim medijskim kućama.

Član 6

Sportska manifestacija «PRVI MEĐUNARODNI PLIVAČKI MARATON» će biti realizovana u saradnji s udruženjima iz oblasti sporta u Brčko distriktu BiH.

Član 7

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj predmeta: 39-00039/17

Broj akta: 01.1-1141SM-0001/17

Datum, 16.6.2017. godine

Mjesto, Brčko

GRADONAČELNIK

Mr. sc. Siniša Milić, s. r.

376

Na osnovu odredbe člana 19 Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 19/07, 20/07 i 2/08), Pravosudna komisija Brčko distrikta Bosne i Hercegovine na 186. redovnoj sjednici održanoj 30. 06. 2017. godine, usvaja

**POSLOVNIK O IZMJENI POSLOVNIKA O RADU
PRAVOSUDNE KOMISIJE BRČKO DISTRIKTA BOSNE I
HERCEGOVINE**

Član 1

Član 21 Poslovnika o radu Pravosudne komisije Brčko distrikta Bosne i Hercegovine broj SuPK-101/08 od 25. 02. 2008. godine (Službeni glasnik Brčko distrikta Bosne i Hercegovine, broj 38/08), mijenja se i glasi:

„Član 21

(Javnost rada)

(1) Sjednice Pravosudne komisije su u pravilu otvorene za javnost, osim kada Pravosudna komisija donese odluku kojom tačku dnevnog reda ili dio diskusije proglašava zatvorenim za javnost.

(2) Pravosudna komisija odluku iz stava 1 ovog člana može donijeti ako je to potrebno radi zaštite podataka koji su zakonom, drugim propisom ili aktom označeni kao tajna, radi zaštite privatnosti i ličnih podataka, te kada raspravlja o pitanjima koje mogu nanijeti štetu ugledu ili integritetu pravosuđa.

(3) Snimanje na javnim sjednicama Pravosudne komisije dozvoljeno je samo na osnovu posebne odluke Pravosudne komisije.

(4) Pristup sjednicama ostvaruje se uz obaveznu najavu dolaska, najkasnije 24 sata prije održavanja sjednice.

(5) Predsjednik i potpredsjednik Pravosudne komisije mogu u interesu javnosti davati saopštenja za javnost o radu Pravosudne komisije nakon održane sjednice, a portparol po njihovom ovlaštenju i propisanoj proceduri. “

Član 2

(Stupanje na snagu i objava)

Ovaj poslovnik stupa na snagu danom usvajanja i bit će objavljen u Službenom glasniku Brčko distrikta Bosne i Hercegovine.

Broj: SuPK-1184/17

Brčko, 30. 06. 2017. godine

**PREDSJEDNIK PRAVOSUDNE KOMISIJE
BRČKO DISTRIKTA BiH**

Safet Pizović, s. r.

377

Upravni odbor Fonda zdravstvenog osiguranja Brčko distrikta BiH na osnovu člana 55 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 01/02, 07/02, 19/07, 02/08 i 34/08), članova 45, 95 i 98 Zakona o zdravstvenoj zaštiti u Brčko distriktu BiH (Službeni glasnik Brčko distrikta BiH, brojevi: 38/11, 09/13, 27/14 i 03/15), u skladu s članom 6 Pravilnika o utvrđivanju sastava tima porodične medicine i uslovima za grupnu praksu porodične medicine na području Brčko distrikta BiH (Službeni glasnik Brčko distrikta BiH, broj: 203 od 30.04.2015. godine) i na osnovu člana 4 Odluke o davanju saglasnosti za donošenje inicijative za nastavak implementacije porodične medicine u Brčko distriktu

BiH, broj: 015-180/7-UO-63/15 od 27.07.2015 godine i saglasnosti Odjeljenja za zdravstvo i ostale usluge Vlade Brčko distrikta BiH broj:36-000078/16 od 26.04.2017. godine, donosi

PRAVILNIK O REGISTRACIJI OSIGURANIH LICA U TIMU PORODIČNE MEDICINE

I. OPĆE ODREDBE

Član 1

(1) Ovim pravilnikom uređuje se način ostvarivanja prava osiguranih lica Fonda zdravstvenog osiguranja Brčko distrikta BiH (u daljnjem tekstu: osigurano lice) na slobodan izbor tima porodične medicine primarne zdravstvene zaštite (u daljnjem tekstu: tim porodične medicine).

(2) Tim porodične medicine čine:

- a) doktor specijalista porodične medicine, odnosno doktor specijalista druge grane medicine sa završenom dodatnom edukacijom iz porodične medicine (u daljnjem tekstu: doktor porodične medicine);
- b) dvije medicinske sestre edukovane za rad u porodičnoj medicini, odnosno sa završenom dodatnom edukacijom iz porodične medicine i zdravstvene njege u zajednici.

Član 2

Osigurano lice ostvaruje pravo na zdravstvenu zaštitu u skladu sa Zakonom o zdravstvenom osiguranju Brčko distrikta BiH, Zakonom o zdravstvenoj zaštiti Brčko distrikta BiH i odredbama ovog Pravilnika u ugovornim zdravstvenim ustanovama, a na osnovu savremene medicinske doktrine, stručnih standarda i normi u skladu s mogućnostima zdravstvenog sistema i uslov da prethodno ispunjavaju svoje obaveze i odgovornosti utvrđene propisima.

Član 3

(1) Prilikom izbora tima porodične medicine osigurano lice može se opredijeliti samo za jedan tim porodične medicine.

(2) Za maloljetno lice ili lice pod starateljstvom izbor tima iz stava 1 ovoga člana obavlja roditelj, staratelj ili specijalna ustanova u koju je osigurano lice smješteno.

Član 4

(1) Izbor tima porodične medicine vrši se putem javnog poziva, koji provodi Fond zdravstvenog osiguranja Brčko distrikta BiH (u daljnjem tekstu: Fond).

(2) Poziv se objavljuje na odgovarajućim mjestima u poslovnim prostorima Fonda, ugovornim zdravstvenim ustanovama, medijima i slično.

II. IZBOR I PROMJENA DOKTORA PORODIČNE MEDICINE

Član 5

(1) Osigurano lice ima obavezu da izvrši izbor doktora popunjavanjem podataka na odgovarajućem obrascu za izbor ili promjenu doktora porodične medicine.

(2) Obrazac za prijavu i promjenu doktora porodične medicine mora sadržavati minimum podataka neophodnih za registraciju kod izbora, odnosno promjene doktora porodične medicine (lični podaci o osiguranom licu i članovima porodice, adresa, spol, datum i godina rođenja, JMB, podaci o zdravstvenoj ustanovi i podaci o izabranom doktoru porodične medicine).

(3) Podaci iz obrasca za izbor doktora porodične medicine iz stava 1 ovog člana važe do dostavljanja novog obrasca.

(4) U pravilu, osigurano lice i članovi porodice biraju istog doktora.

(5) Izbor/promjena doktora se vrši na osnovu liste doktora iz ugovorne zdravstvene ustanove.

Član 6

(1) Osigurano lice može izvršiti izbor doktora u ugovornoj zdravstvenoj ustanovi popunjavanjem obrasca iz člana 5 stava 1.

(2) Osigurano lice je obavezno u roku od trideset (30) dana od dana prijema obrasca iste popuniti i izvršiti izbor doktora na način propisan ovim pravilnikom.

(3) Tačnost unesenih podataka u obrascima, ovjerava osigurano lice svojim potpisom.

(4) Podatke u obrascu unosi i doktor porodične medicine, te ih ovjerava svojim potpisom i pečatom ugovorne zdravstvene ustanove, odnosno ambulante.

(5) Osigurano lice može izvršiti izbor, odnosno promjenu kod doktora koji ima manji broj opredijeljenih lica od maksimalnog broja utvrđenog posebnim propisom.

Član 7

(1) Popunjen i ovjeren obrazac doktor porodične medicine, odnosno ugovorna zdravstvena ustanova dostavlja Fondu na verifikaciju osiguranih lica po izabranim doktorima porodične medicine.

(2) Nakon provedene verifikacije podatka o izboru, odnosno promjeni izbora doktora porodične medicine, Fond dostavlja jedan primjerak ovjerenog obrasca doktoru porodične medicine i jedan primjerak ranije izabranom doktoru porodične medicine, odnosno ugovornoj zdravstvenoj ustanovi.

Član 8

Osigurano lice koje je izvršilo izbor doktora u skladu s odredbama ovoga pravilnika, ostvaruje zdravstvenu zaštitu kod novoizabranog doktora od datuma ovjere podataka iz obrasca, a najkasnije u roku od 10 dana od dana potpisivanja obrasca, pod uslovom da nisu nastupile okolnosti iz člana 6, stava 5 ovog pravilnika.

Član 9

Ranije izabrani doktor porodične medicine, odnosno ugovorna zdravstvena ustanova, nakon prijema obrasca obavezni su odmah, a najkasnije u roku od 5 dana dostaviti novoizabranom doktoru porodične medicine svu zdravstvenu dokumentaciju o osiguranom licu.

Član 10

(1) Osigurano lice može izvršiti promjenu doktora porodične medicine nakon isteka godine dana od dana njegovog izbora ispunjavanjem podataka na obrascu o promjeni doktora koju preuzima u Fondu.

(2) Osigurano lice ima pravo izvršiti promjenu doktora porodične medicine i unutar roka od godine dana samo u sljedećim slučajevima:

- a) ako osigurano lice promijeni mjesto prebivališta, odnosno boravka (dokaz izvod iz CIPS-a),
- b) ako doktor porodične medicine prestane raditi u ugovornoj zdravstvenoj ustanovi,
- v) ako doktor porodične medicine promijeni sjedište ambulante,
- g) ako doktor porodične medicine bude duže odsutan zbog školovanja, bolesti i drugih sličnih razloga,
- d) na osnovu poziva za vanredni izbor,
- đ) ako broj registrovanih osiguranih lica prelazi maksimalan broj utvrđen posebnim propisima,
- e) na osnovu izjave osiguranog lica da je kod doktora porodične medicine evidentiran bez svog znanja,
- ž) zbog poremećenih međusobnih odnosa i nezadovoljstva radom tima ili pojedinca iz tima porodične medicine.

(3) Promjena doktora porodične medicine provodi se na način utvrđen ovim pravilnikom.

(4) O osnovanosti razloga za promjenu doktora porodične medicine u slučajevima iz stava 2, tačke ž) ovog člana odlučuje posebna komisija imenovana od strane Fonda.

Član 11

(1) Doktor porodične medicine ima pravo odbiti izbor osiguranog lica samo u slučaju:

- a) ako broj registrovanih osiguranih lica prelazi maksimalan broj utvrđen posebnim propisom,
- b) ako između doktora porodične medicine i osiguranog lica postoji poremećaj međusobnih odnosa.

(2) Razlog odbijanja osiguranog lica doktora porodične medicine obavezno upisuje u za to predviđenu rubriku na obrascu.

(3) Doktor porodične medicine ne smije odbiti izbor osiguranog lica samo zato što je osigurano lice starije životne dobi, bolesno, nepokretno, ovisnik, psihički ili duševni bolesnik,

odnosno iz drugih razloga koji nisu navedeni u stavu 1 ovog člana.

(4) O osnovanosti razloga za odbijanje izbora osigurane osobe u slučaju navedenom u stavu 1, tački b) ovog člana, kao i po prigovoru osiguranog lica u slučajevima iz stava 3 ovog člana odlučuje posebna komisija iz člana 10 stava 4 ovog pravilnika.

Član 12

Ne smatra se da je osigurano lice promijenilo doktora porodične medicine ako mu zdravstvenu zaštitu pruži doktor koji u skladu s organizacijom unutar ugovorne zdravstvene ustanove privremeno zamjenjuje doktora porodične medicine za vrijeme dok se on nalazi na godišnjem odmoru, privremenoj spriječenosti za rad, službenom putu, te u ostalim slučajevima njegove privremene odsutnosti.

III. PRELAZNE I ZAVRŠNE ODREDBE

Član 13

Ovaj pravilnik stupa na snagu osmog dana od dana objave u Službenom glasniku Brčko distrikta BiH.

Broj, 015-180/7-UO-62/17
Brčko, 23. 06. 2017. godine

Predsjednik Upravnog odbora
Dr. med. sci. Zoran Tošić, s. r.

378

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), u vezi s članom 83 stavom 1 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 1/02, 7/02, 19/07, 2/08 i 34/08), članovima 12 i 20 Zakona o zdravstvenoj zaštiti Brčko distrikta BiH (Službeni glasnik Brčko distrikta BiH, brojevi: 38/11, 9/13, 27/14 i 3/15), članovima 4, 6, 7 i 8 Odluke o utvrđivanju osnova, kriterija i standarda za ugovaranje zdravstvene zaštite za potrebe osiguranih lica Fonda zdravstvenog osiguranja Brčko distrikta BiH broj 015-180/7-UO-53/14 od 27.05.2014. godine, na 7. redovnoj sjednici, održanoj 23. 06. 2017. godine, donosi:

ODLUKU O UTVRĐIVANJU VISINE NAKNADE ODREĐENIH VRSTA ZDRAVSTVENIH USLUGA

Član 1

Predmet ove odluke je utvrđivanje visine naknade određenih vrsta zdravstvenih usluga koje po svojoj prirodi ne spadaju u urgentna stanja.

Član 2

(1) Fond zdravstvenog osiguranja Brčko distrikta BiH (u daljnjem tekstu: Fond) finansira troškove određenih vrsta zdravstvenih usluga navedenih u tabeli, osiguranim licima Fonda, u iznosu do:

R. br.	NAZIV USLUGE	Iznos u KM	Iznos u EUR
DIJAGNOSTIČKO-TERAPIJSKE PROCEDURE			
1.	KORONAROGRAFIJA: - priprema dijagnostičko-terapijske procedure, - dijagnostička procedura, 2 BO dana sa ukupnim troškovima lijekova i medicinskog materijala	1.100,00	563,00
2.	ESWL PRVI TRETMAN: - priprema dijagnostičko-terapijske procedure, - terapijska procedura,	400,00	205,00
2a.	ESWL SVAKI SLIJEDEĆI TRETMAN: - priprema dijagnostičko-terapijske procedure, - terapijska procedura,	50,00	26,00
MAGNETNA REZONANCA - MR 1,5 T			
3.	MR 1,5 T JEDNA REGIJA (u cijenu uključen kontrast)	240,00	123,00
4.	MR 1,5 T DVIJE REGIJE (u cijenu uključen kontrast)	400,00	205,00
5.	MR 1,5 T TRI REGIJE (u cijenu uključen kontrast)	560,00	287,00
6.	MR DOJKI (u cijenu uključen kontrast)	300,00	154,00
7.	MR ENTEROGRAFIJA (u cijenu uključen kontrast)	370,00	190,00
8.	MR KOLONOGRAFIJA (u cijenu uključen kontrast)	320,00	164,00
9.	MR SPEKTROSKOPIJA (u cijenu uključen kontrast)	390,00	200,00
10.	SCINTIGRAFIJA CIJELOG TIJELA (BODY SCAN) I KOSTIJU	310,00	159,00
KOMPJUTERIZOVANA TOMOGRAFIJA MSCT (16-slajsi)			
11.	MSCT ABDOMENA	200,00	103,00
12.	MSCT ABDOMENA I ZDJELICE	350,00	179,00
13.	MSCT ZDJELICE	150,00	77,00
14.	MSCT SELLAE TURCICAE BEZ KONTRASTA	100,00	52,00
15.	MSCT SELLAE TURCICAE SA KONTRASTOM	150,00	77,00
16.	MSCT ANGIOGRAFIJA ZAVRŠNOG DIJELA AORTE I ILIJACNIH ARTERIJA	150,00	77,00
17.	MSCT ANGIOGRAFIJA ABDOMINALNE AORTE	150,00	77,00
18.	MSCT ANGIOGRAFIJA TORAKALNE AORTE	150,00	77,00
19.	MSCT ANGIOGRAFIJA GORNJIH EKSTREMITETA	150,00	77,00
20.	MSCT ANGIOGRAFIJA DONJIH EKSTREMITETA	150,00	77,00
21.	MSCT ANGIOGRAFIJA GLAVE I VRATA	300,00	154,00
22.	MSCT ANGIOGRAFIJA KRVNIH SUDOVA VRATA	150,00	77,00
23.	MSCT BUBREGA	150,00	77,00
24.	MSCT UROGRAFIJA	150,00	77,00